



**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA TEŠANJ
OPĆINSKO VIJEĆE**

Broj: _____.

Datum: _____.

PRIJEDLOG

Na osnovu člana 14. stav 4., a u vezi sa članom 16. stavom 2., 4. i 5. Zakona o eksproprijaciji ("Službene novine F BiH"; broj: 70/07 i 36/10) i člana 14. stav 4. Statuta općine Tešanj ("Službeni glasnik Općine Tešanj", broj: 11/07), Općinsko vijeće Općine Tešanj, na redovnoj sjednici održanoj, dana, _____ 2013.g., rješavajući po prijedlogu Općinskog pravobranilaštva Općine Tešanj i Doboj-Jug, za utvrđenje javnog interesa u cilju izgradnje bunara PEB-1- sa trasom, donosi

ODLUKU

1.UTVRĐUJE SE DA JE OD JAVNOG INTERESA izgradnja eksploatacionog bunara PEB-1 na lokalitetu Jelaha, Općina Tešanj kao nastavak realizacije projekta poboljšanja vodosnabdijevanja na području Općine Tešanj i da se može pristupiti eksproprijaciji nekretnina za izgradnju bunara PEB-1- od DREN KRAKA 1 I DREN KRAKA 2 koji su planirani na k.p.br.1345 sa trasom potisnog /spojnog cjevovoda koji ide preko katastarskih parcela broj: 1350, broj: 278/1, broj: 365, broj: 372, broj: 378, broj: 377, broj: 342/3, broj: 340, broj: 342/2 i završava na k.p.br. 342/1 na kojoj se nalazi hlorna stanica, a kako je to predviđeno "Glavnim projektom eksploatacionog bunara PEB-1 na lokalitetu Jelaha, Općina Tešanj" sve parcele su upisane za K.O.Miljanovci Gornji sa podacima označenim kao u Tabeli-SPISAK PARCELA.

2.Utvrđuje se da je Općina Tešanj korisnik eksproprijacije u svrhu izgradnje bunara PEB-1 i trasom potisnog/spojnog cjevovoda i drugih pratećih objekata na zemljištu navedenom u Tabeli-SPISAK PARCELA.

3.Sastavni dio ove Odluke je Izvod iz "Glavnog projekta eksploatacionih bunara PEB-1 na lokalitetu Jelaha, Općina Tešanj na kojem je vidljiva lokacija bunara PEB-1 i trasa potisnog/spojnog cjevovoda sa parcelama preko kojih prelazi cjevovod na način utvrđen kao u tački 1. ove Odluke.

4.Protiv ove Odluke može se pokrenuti upravni spor podnošenjem tužbe Kantonalnom sudu u Zenici u roku od 30 dana računajući od dana prijema ove Odluke. Tužba se podnosi neposredno sudu.

Dostavljeno:
1.Općinsko pravobranilaštvo Općine
Tešanj i Doboj-Jug, ovdje.
2.Posjednici parcela;
2.1.Begović Muharema Džemila,
Miljanovci.
2.2.Kondžić Alije Ahmet, Jelah-Polje.
2.3.Kondžić Alije Mirsad, Jelah-Polje.
2.4.Mjesna zajednica Jelah.
3.Služba za katastar, urbanizam i imovinsko pravne
poslove, općine Tešanj.
4.Općinsko vijeće općine Tešanj, ovdje.
5.Arhiva.

**PREDSJEDAVAJUĆI
OPĆINSKOG VIJEĆA:**

Fuad Šišić, dipl.ing.maš.

O B R A Z L O Ž E N J E

PRAVNI OSNOV:

Na osnovu člana 14. stav 4., a u vezi sa članom 16. stavom 2.,4. i 5. Zakona o eksproprijaciji ("Službene novine F BiH"; broj: 70/07 i 36/10) i člana 14. Statuta općine Tešanj ("Službeni glasnik Općine Tešanj", broj: 11/07).

Član 14. Stav 4. Zakona o eksproprijaciji propisano je da Odluku o utvrđivanju javnog interesa za izgradnju objekta ili izvođenje radova na području općine donosi općinsko vijeće na čijem se području namjerava graditi objekat ili izvoditi radovi u skladu sa planskim dokumentima prostornog uređenja.

Član 16. Stav 2. Zakona o eksproprijaciji propisano je da prijedlog za utvrđivanje javnog interesa podnosi Vladi, odnosno vladi kantona ili općinskom vijeću, putem federalnog, kantonalnog organa uprave ili općinske službe za upravu za imovinsko-pravne poslove, a sadrži elaborat eksproprijacije (geodetsko-katastarski plan područja eksproprijacije, podatke o nekretninama za koje se predlaže utvrđivanje javnog interesa, procjenu vrijednosti nekretnina, cilj eksproprijacije i druge podatke za utvrđivanje javnog interesa).

Stavom 4. Istog člana Zakona o eksproprijaciji propisano je da se aktom o utvrđivanju javnog interesa, u skladu sa odredbama ovog člana, određuje se korisnik eksproprijacije.

Stavom 5. Istog člana Zakona o eksproprijaciji propisano je da se protiv akta o utvrđivanju javnog interesa može pokrenuti upravni spor kod nadležnog suda, osim u slučajevima iz člana 15. ovog zakona.

RAZLOZI DONOŠENJA:

Putem Službe za katastar, urbanizam i imovinsko pravne- poslove, Općine Tešanj, podnesen je prijedlog od strane Općinskog pravobranilaštva Općine Tešanj i Doboj-Jug, u skladu sa Zakonom o eksproprijaciji, radi utvrđivanja javnog interesa i provođenja postupka eksproprijacije za radi izgradnje bunara PEB-1sa spojnim cjevovodom na lokalitetu Jelaha u korist korisnika eksproprijacije Općine Tešanj.

Na osnovu podnesenog prijedloga za utvrđivanje javnog interesa radi izgradnje bunara PEB-1 sa spojnim cjevovodom na lokalitetu Jelaha, te pribavljene kopije izvoda iz "Glavnog projekta eksploatacionih bunara PEB-1 na lokalitetu Jelaha sa spojinim cjevovodom urađenog od "ES HYDROTECHNICS" d.o.o. Sarajevo, kopije izvoda iz ("Službenog glasnika općine Tešanj", broj: 10 od 23.01.2013.g.) u svrhu dokaza da u budžetu Općine Tešanj postoje planirana sredstva, na osnovu identifikacije parcela, broj: 06-30-9-85-104/13 od 15.07.2013.g. ustanovljeno je da je izgradnja bunara PEB-1 i spojnog cjevovoda planirana preko parcela navedenih kao u tekstu tačke 1. predložene Odluke, sa podacima upisanim kao u posjedovnim listovima br.81, 172, 173, 177, 317, 597, 715 za K.O. Miljanovci Donji(i u TABELI-SPISAK PARCELA), te odgovarajućim zemljišno knjižnim izvadcima, te kopijom katastarskog plana, ustanovljeno je da su ispunjene pretpostavke za donošenje ove Odluke, a u vezi sa članom 16. stav 2. i stav 4. Zakona o eksproprijaciji.

Obzirom na naprijed citirane odredbe Zakona o eksproprijaciji ("Službene novine F BiH"; broj: 70/07 i 36/10), predlaže se Općinskom Vijeću kao nadležnom tijelu, da u smislu naprijed izloženog, usvoji prijedlog ove Odluke kojim se utvrđuje da je od javnog interesa izgradnja bunara PEB-1 sa trasom spojnog cjevovoda na lokalitetu Jelaha u cilju realizacije projekta poboljšanja vodosnabdijevanja i da se može pokrenuti postupak eksproprijacije na traženoj lokaciji u korist korisnika eksproprijacije Općine Tešanj.

Općinskom Vijeću Općine Tešanj se predlaže da u smislu naprijed izloženog, usvoji Prijedlog ove Odluke.

O B R A D I V A Č:

**Služba za katastar, urbanizam i imovinsko- pravne poslove
POMOĆNIK OPĆINSKOG NAČELNIKA**

**P R E D L A G A Č:
OPĆINSKI NAČELNIK:
OPĆINE TEŠANJ**

NADIR Medarić, dipl. ing. geodezije

mr.sc.SUAD Huskić, profesor

Broj: 02-31-3-2461/13.

Dana, 21.08.2013.g.

